

Inuussutissarsiutinut ilinniartitaanernut pilersaarutit pillugit Namminersornerullutik Oqartussat nalunaarutaat nr. 11, 17. april 2009-meersoq

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaat nr. 2, 31. maj 1999-imeersumi kingullermik Inatsisartut peqqussutaat nr. 1, 16. maj 2008-meersukkut allanngortinneqartumi § 6, § 7, imm. 1 aamma § 22 naapertorlugit aalajangersarneqarpoq:

Siunertaq

§ 1. Malittarisassat tamanut atuuttussat inuussutissarsiutinut ilinniartitaanernut ataasiakkaanut tamanut ilinniartitaanernut pilersaarutit ilinniartit suliarinninnerannut atatillugu qitiusumik inuussutissarsiutinullu ilinniartit ilinniartitaanernut pilersaarutit pillugit malitassaat nalunaarutikkut matumuuna aalajangersarneqarput, ilinniartitaaneq malittarisassat allat aqputigalugit aalajangersaaffigineqarsimangippata.

Imm. 2. Ilinniartitaanermut pilersaarummi allaaserineqassaaq qanoq ililluni ilinniartitaaneq ilinniartup inuussutissarsiutigalugu sulianut, ilinniagaqarniarluni piareersarnermut inuttullu piginnaasaanut ineriartortitsinermut iluaqutigineqassanersoq, suliffeqarnermi pisariaqartitat, suliamut tunngatillugu nikerarsinnaaneq ilinniartullu atuagarsornikkut sulinikkullu ilinniarnissamut tunuliaqutaqarnissamik pisariaqartitai sianiginiarlugit. Peqatigitillugu ilinniartitaanermut pilersaarummi allaaserineqassaaq, ilinniartup nammineerluni isummersinnaanermut, suleqatiginninnermut attaveqatigiinnermullu piginnaanerata ineriartortinneranut ilinniarneq qanoq iluaqutigineqassanersoq. Aammalu ilinniartitaanermut pilersaarummi allaaserineqassaaq, ilinniarneq qanoq tunniussaqaassanersoq suliassanut inooqatigiinnermi ajornartorsiutinik aaqqiissuteqartarnermut, namminersorluni aallarniiniarnerup ineriartortinneranut, sungiussiassuseq pitsaassutsimullu misikkarissuseq aamma ilinniartup tunngaviusumik pikkorissuseqarnera, pingaartumik matematikkimi, atuarnermi, oqaluttariarsornermi allattarissatigullu attaveqatigiinnermi kiisalu teknologiikkut paasissutissiisarnermut piginnaasai ilinniarnikkut qanoq siuarsarneqassanersut.

Imm. 3. Ilinniartup ineriartorneranut nutaanillu pilersitsisinnaanermut ineriartorneranut ilinniarneq qanoq iluaqutigineqassanersoq, ilinniartup nioqutissiornerup sullissinerullu ineriartortinnerannut peqataanissaa namminerlu suliffeqarfiuteqalernissaminut tunngavissaqalernissaminik pissarsinissaa anguniarlugu, ilinniartitaanermut pilersaarummi allaaserineqassaaq.

Imm. 4. Ilinniartitaanermut pilersaarummi allaaserineqassaaq, ilinniartut nunani tamalaani piginnaasassaat ilinniarnikkut qanoq siuarsarneqassanersut, suliffeqarnerneq ilinniaqqinnissarlu anguniarlugit, soorluttaaq suliffikkuminartumut ilinniartup paasinninnissaanut aamma ilinniartup avatangiisiminik mianerinninnissaanut ineriartortinneranut ilinniarneq qanoq iluaqutigineqassanersoq ilinniartitaanermut pilersaarummi allaaserineqassasoq.

Imarisai

§ 2. Ilinniartitaanermut pilersaarut makkuninnga allaaserinninnermik imaqassaaq:

- 1) Ilinniartitaanikkut siunertat.
- 2) Suliassaqarfiit ilinniartitaanerup sammivigisai qanorlu maannamut ilinniarsimanissamik pisariaqartitsineq naammassineqarsimanersoq, taamatuttaaqaq maannamut ilinniagaqarfissaq amigaatigineqarnersoq imaluunniit ilinniarneqarsinnaasut pioreersut ataasiakkaat arlallillunniit immikkulluunniit ittut, taamaassappallu sorliit ilinniagassatut siunnersuutigineqartup taarsissanerai.
- 3) Akuerineqarnissamut piumasaqaatit, ilinniartitaanermut atuuttut.
- 4) Atuarfimmi ilinniartitaanermut suliffimmilu sungiusarluni ilinniartitaanermut erseqqinnerusumik ilusiliussaqaq, matumani ilanngullugit taakkua ilinniarnullu tamakkerluni sivisussusii.
- 5) Ilinniartitsinerup ingerlannerani perorsaanerumut tunngasut, ilinniartitsinerup imarisaanut siunertaanullu tunngasut aamma periaasissanik isumaliutersuutit, matumani ilanngullugit ilinniartitseriaasissanik toqqaaneq.
- 6) Ilinniartitsinerumi suliassat imarisaat, matumani ilanngullugit ilinniagassat suliniutillu ilaallu ilanngullugit, qitiusumik ilinniarfiup ilinniartitsinerumut agguataarsimasai.
- 7) Ilinniarfiup naliliisarnerumut pilersaarutaa, matumani ilanngullugu qanoq aamma qaqugu ingerlaavartumik inaarutaasumillu naliliineq pissanersoq, kiisalu ilinniagassanik ilinniagassanut allanut ilanngullugit naliliivigineqartunik immikkut naliliisarneq.
- 8) Ilinniarfiup ilassutitut annertusisitsinissamik neqeroorutai kiisalu ilinniarfiup tassunga atatillugu ilitsersuutaanut tunaartarisassat.
- 9) Ilinniartitsinerumi anguniagassat ilagisinnaasaat.
- 10) Ilinniartitsisut piginnaasassaat, nukissaat atortussaallu, tassunga immikkut piumasaqaataappata.
- 11) Ilinniarnertitaanermi sulianut atatillugu ilinniartup sulinerata sivisussusia, matumani ilanngullugit pilersaarutit ilaalu ilanngullugit kiisalu ilinniartup angerlarsimaffimmini suliassai.
- 12) Suliffeqarfinni ilinniartitsissutaasinnaasut.
- 13) Ilinniartitaanernut allanut tamakkiisumik ilaannakuusumilluunniit atuaqataasinnaaneq.
- 14) Ilinniarnermut atatillugu suliffeqarfimmi sulinerup imarisassai kiisalu ilinniartut ilinniarnermiinnut atatillugu suliffeqarfimmi sulisut sulinerannik naliliineq.
- 15) Suliffimmi ilinniartuuffigisami ilinniarnepurup allaaserinera, matumani ilanngullugit sungiusaatigalugu sulinerumut pilersaarutit imarisai.
- 16) Atuarfiup, lærlingip imaluunniit ilinniartup suliffeqarfiullu akornanni attaveqatigiinnermi najoqqutassat.

Imm. 2. Aammattaaq ilinniartitaanermut pilersaarummiissapput innersuussutigineqarlutilluunniit:

- 1) Misilitsinnerit, qitiusumik imaluunniit inuussutissarsiutinut ilinniarfiup aaqqissuutissallugit ingerlatissallugillu akisussaaffigisaasa, allaaserineqarneri taamatuttaaqaq inaarutaasumik misilitsinnerit, soraarummeernertut ingerlanneqartut.
- 2) Soraarummeersitsisarnerumut ilinniarfiup malittarisassai.
- 3) Ilinniartitaanermut tunngatillugu ilinniartup piginnaasaanik periarfissaanillu ilinniarfiup naliliisarnera, taamatuttaaqaq ilinniakkanik, ilinniarnepurup ingerlanerannik suliniutinillu allanillu allaatiginnittarnerup atornerqarnissaa.

- 4) Ilinniartuup ilinniarsinnaanermut atatillugu suliffeqarfimmi sulinermut atatillugu ilinniartup piukkunnaateqassusianik naliliisarnerani piumasaqaatissat periaasissallu.
- 5) Ilinniartuup ilinniartitaanermut ilinniartussanik tiguisarnerani ilinnialersinnaanermulluunniit killiliussat taallugit aamma ilinniarnermut atatillugu suliffeqarfimmi sulilernissamut killiliussat taallugit piumasaqaatissat periaasissallu.
- 6) Ilinniartumut namminermet ilinniarnissamut pilersaarutip suliarinerata allaatigineqarnera.
- 7) Ilinniartuup piginnaaneqarnermik naliliinerata aaqqissuunneqarnera.
- 8) Ilinniartuup suliffeqarfinnik sulisitsisunillu suleqateqarnera.
- 9) Ilinniartuup ilinniarnermut atatillugu suliffimmik ilinniartumillu misilitsittarnermut uppersaasiisarnerit pillugit suleqateqarnera.
- 10) Ilinniartuup tunngaviusumik ingerlasimanermik naammassinnissimanermut uppersaasiisarneranut imaluunniit sulinikkut ilinniartitsinermet, ilinniartummit allagartaliisarnermet kiisalu ilinniarsimanermut allagartaliisarnermet imaluunniit ilinniagaqarsimasutut allagartaliisarnermet tunaartarisassai.
- 11) Ilinniartuup suliffeqarfinnik ilinniartumillu allanik allanillu suleqateqarluni ilinniartitaanerup ilaanik naammassinnittarneq pillugu ilinniartitaanermik aaqqissuussisarnerata kiisalu uppersaasiisarnerup allagartartaartitsisarnerullu allaaserineqarnerat.
- 12) Piginnaasassanik anguniakkat, ilinniartup ilinniartitaanerup naammassineqarnerani naammassissimasassai.

§ 3. Ilinniartitaanermut pilersaarutip imarissavaattaq ilinniartut ilinniartitaanermi immikkut soqutigineqarnerugunartutut isumaqarfigineqartut allaaserineqarnerat aamma ukiumut ilinniartitaanermut isertartussanik naliliineq.

§ 4. Qitiusumik imaluunniit inuussutissarsiutinut ilinniartuup ilinniartunut ilinniartitaanermut pilersaarutip akuersissutigineqarnerani ingerlareersunut ikaarsaariarnermi aaqqissuussinerujunnartut ilinniartitaanermut pilersaarummi aalajangersarsinnaavai.

Akuersissuteqartarneq sivisussusialu

§ 5. Ilinniartitaanermut pilersaarut inerlugu suliarereerlugu saqqummiunneqassaaq Ilinniartitaanermut Naalackersuisoqarfimmi tiguneqareersimassalluni Naalackersuisoqarfik ilinniartitaanermut pilersaarummik akuersissuteqarnissaq pillugu akuersissuteqarnerup sivisussusissaa taallugu alajangiilersinnagu.

Imm. 2. Ilinniartitaanermut pilersaarut inerlugu suliarereerlugu saqqummiunneqalersinnagu ilinniartuup Naalackersuisoqarfik ilinniartitaanermut pilersaarutissamut missingiummut saqqummiunneqartumut oqaaseqaateqaqqullugu qinnuigisinnaavaa.

Imm. 3. Ilinniartitaanermut pilersaarut akuerisaq Naalackersuisoqarfiup nutaamik akuersissuteqarneratigut taamaallaat iluarsaanneqarsinnaavoq. Taamaattorli ilinniartitaanermut pilersaarut siusinnerpaamik ukioq ataaseq atuutereerpat iluarsaanneqarsinnaavoq, oqartussaasut allat ilinniakkanik naammassinnissimasut piginnaasassaannut piumasaqaateqaqqippata.

Tamanut saqqummiussineq

§ 6. Ilinniartut aamma ilinniarnermut atatillugu suliffeqarfiit ilinniartitaanermut pilersaarummik ilinniarfiup nittartagaani tamanut saqqummiunneqartumik tunineqassapput.

Nakkutilliineq

§ 7. Ilinniartitaanernut pilersaarutini Naalackersuisoqarfiup akuerisaanik ilinniarfiit malinninnerannik Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfik nakkutilliissaaq.

Atortuulersitsineq

§ 8. Nalunaarut manna 1. april 2009 atortuulersinneqarpoq.

Imm. 2. Ilinniartitaanernut ulloq 1. april 2009 sioqqullugu neqeroorutigineqartunut aamma ulloq 1. april 2009-p kingornatigut suli neqeroorutigineqartunut ilinniartitaanernut pilersaarutit Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfimmit ulloq 1. januar 2010-mi kingusinnerpaamik tiguneqareersimassapput, ilinniarneq malittarisassanit allanit aaqqiiffigineqarsimangippat.

Namminersornerullutik Oqartussat, ulloq 17. april 2009

Tommy Marø

/

Lise Lennert Olsen